

Давсн джилмүдин аш болн шин джилд белдвр

Ниднин джилд партийн сургъуль мана Каспийск района партийн организацд хамцнъгъу кевәр бурдлā. Семинарс болн кружокс ик зуудан сургъулан идейн гүн кевәр кедж, дасдж бāасн цуг коммунистрин политическ медрлинъ өдлүлсмн. Районд загъсна промышленностин болн совхозин производствин тодрха экономикār 4 семинар, района партийн-советск активин экономическ школ бурдāгдсмн. Тодрха экономик даслгъна төрт коммунистр оньган өгч, сургъулās авсн медрлāн олзлцхав. Дару-дарунъ партийн сургъуль даслгъна төрмүд эклц парторганизацсин хургт күүндгдг билā. Тер тоот кружокс болн семинарсин көдлмшт дөнъгән өгв.

Тодрха экономик даслгъар Прикаспийск МРС-н парторганизацд бурдсн семинар сән үзмджтā кевār, сард хойр дакдж кедг билā. Сарин эклц дасдж бāасн материалар лекц умшчкад, сарин чилгчднъ семинар болдмн.

Пропагандист улсин теоретическ медрл өдлүлхин төлā райкомд тасрлтан угагъар көдлг семинар бурдāгдснд, кружокс болн семинарст дасгдх материалар сургъдг билā. Сургъулин джилин туршарт 6 тим семинар болснд райкомин сеглāтрмүд болн нанъ чигн көдлāчир лекц

умшцхав. Пропагандистр оньгта кевār сургъульдн белдвр кедж, эврāннъ цāалгъвртāн теорийиг бāарн газриннъ бāадл-джиргъллā ирлцүлдж келдг билā.

Аш диглсн сүл занягъ кружоксар болн семинарсар кеснд—сургъулин джил олзан өгч, коммунистрин политическ болн теоретическ медрлинъ өдлсннъ меdulъ. Болв зāрм эклц парторганизацсар дуту-дунд бāаснъ йилгърв.

Прикаспийск загъсна комбинатд—тодрха экономикин семинар (лекторнъ үр Куркин) болн Улан-Хол станцд—өдгā цагин политик дасдж кружок (пропагандист үр Берченко) болхла дасджах материалар цāалгъвр өгхлārн, бāарн газриннъ бāадл-йовдлла залгъвр угагъар кецхāдж. Өлгā цагин политик дасдж „2-я пятилетка“ колхозин болн связин конторин парторганизацсин (пропагандистрнъ, үүрмүд Аншаков, Крохина) занягъсн төрүц келуга, хārү саагъад бāасн йовдлмуд темдггдв.

Тертоот дуту-дундиг эн джил гаргъшгон төлāд, онц коммунист болгънла күүнддж, бийиннъ дур сунъгн, дакад болхла, медрлинъ хālāдж, 25 кружокс болн семинарс бурдāvвдн. Теднās КПСС-н тууджар—8, өдгā цагт политик даслгъар—10, тодрха экономикār—3, района экономическ

школ болн нанъ чигн кружокс көдлхмн.

Пропагандистр болдж дундин болн өдлāн сургъульта улс шиидгдв. Тедн занягън района бāадл-джиргъллā залгъдуддж, мана района кучкөлсчррин, 1960-ч джил күртл ода бāāх 34 минъгн толгъа хөбдиг 60 минъгъ күргхд, ода 4 килограмм ноос нег хөбнās авгдг болхла, 6 килограмм күргдж авхд болн загъс бāрлгънд болн эдлгъннъ ясрулхд, ик дөнъ-нөкд болхнъ лавта.

Шин джилин эклцд района партийн кабинет (толгъачнъ үр Паршина) ик белдвр кев. Сургъулин джилин календарн болн тематическ зурас кегдāд умшх дегтрмүдин спискс белдгдāд, пропагандистрт нөкд гидж гаргъсн онц өрāд, тер тоотиг ил, орм-ормарнъ наав. Дакад болхла, пропагандистрт гидж бāарн газрин материалмуд--Прикаспийск загъсна комбинатин альк тоот көдлмшин өслт-дамшлтин болн района совхоз-колхозмудин туск диаграммс зурдж белдв.

Каспийск района коммунистр эн сургъулин джилд урдк джилмүдасн үлү медрл авцххнъ лавта.

С. КУЗНЕЦОВ,

КПСС-н Каспийск района комитетин пропагандин болн агитацин отделин заведующ.